

經
傳
釋
詞

經傳釋詞第七

高郵王引之

而

而者承上之詞或在句中或在句首其義一也常語也
漢書韋賢傳注曰而者句絕之辭詩著曰俟我於著乎
而論語子罕篇引詩曰唐棣之華偏其反而微子篇曰
已而已而宣四年左傳曰若敖氏之鬼不其餒而逸周
書芮良夫篇曰不其亂而

而猶如也易明夷象傳曰君子以莅眾用晦而明虞注
曰而如也詩君子偕老曰胡然而天也胡然而帝也毛

傳曰尊之如天審諦如帝都人士曰垂帶而厲箋曰而厲如鞶厲也昭四年左傳曰牛謂叔孫見仲而何杜注曰而何如何也管子樞言篇曰能而稷乎能而麥乎孟子萬章篇曰而居堯之宮逼堯之子是篡也荀子仲尼篇曰財利至則言善而不及也楊倞注而如也呂氏春秋順說篇曰與生與長而言之與響齊策曰而此者三高注而如也漢書賈誼傳曰變化而嬗史記索隱引韋昭注而如也而字竝與如同義而與如同義故二字可以互用詩都人士曰彼都人士垂帶而厲彼君子女卷髮如蠶大戴記衛將軍文子篇曰滿而不滿實如虛過之如不及孟子離婁篇曰

文王視民如傷望道而未之見荀子彊國篇曰雖然而
雷擊之如牆厥之說苑奉使篇且意而安之願假冠以
見意如不安願無變國俗皆以如而互用故詩至帶而
厲內則注引而作如荀子哀公篇從物如流大戴記哀
公問五義篇如作而襄十二年左傳夫婦所生若而人
晉書禮志而作如史記鄒陽傳白頭如新傾蓋如故新
序雜事篇如竝作而

而猶若也若與如古同聲故而訓爲如又訓爲若大戴
記衛將軍文子篇孔子曰而商也其可謂不險也而商
也與論語若由也同義襄二十九年左傳曰且先君而

有知也與上文先君若有知也同義而與若同義故二

字可以互用詩猗嗟曰顧而長兮抑若揚兮

而若皆然也毛傳抑

美色揚廣揚

昭二十六年左傳晏子曰後世若少情陳氏而

不亡則國其國也已皆以而若互用故書康誥若有疾

荀子富國篇若作而詩甫田篇突而弁兮猗嗟篇顧而

長兮正義而竝作若都人士篇垂帶而厲淮南汜論篇

注而作若襄三十年左傳子產而外呂氏春秋樂成篇

而作若周官旅師而用之鄭注而讀爲若

案而亦可讀爲如論語如

用之是也

而猶然也書皋陶謨曰敝呱呱而泣言呱呱然泣也詩

野有舛曆曰舒而脫脫兮箋曰脫脫然舒甫曰突而

弁兮箋曰突爾加冠爲成人爾亦然也猗嗟曰頤而長

兮說見上文十七年左傳曰鉦而走險杜注鉦疾走貌宣十二年

傳曰及楚殺子玉公喜而後可知也

而猶乃也乃與而對言之則異散言之則同說見乃字下詩杕杜曰期逝不至

而多爲恆言乃多爲憂也鄉射禮曰而鐸言乃鐸也大

戴記曾子本孝篇曰如此而成於孝子也言如此乃成

爲孝子也檀弓曰而曰然鄭注而猶乃也祭義曰己徹

而退無敬齊之色而忘本也言乃忘本也鄭以而爲昏衍字失之

義曰禮之大體而所以成男女之別而立夫婦之義也

言乃所以成男女之別立夫婦之義也宣十三年左傳
曰誅而薦賄則無及也言誅乃薦賄也成十六年傳夏
書曰怨豈在明不見是圖將慎其細也今而明之其可
乎言今乃明之也昭元年傳曰賈而欲贏而惡蹶乎言
乃惡蹶也哀四年傳曰如牆而進多而殺二人言多乃
殺二人也二十五年傳曰眾怒難犯休而易閒也言休
乃易閒也周語曰匹夫專利猶謂之盜王而行之其歸
鮮矣言王乃行之也宣十五年公羊傳曰吾今取此然
後而歸爾言然後乃歸也莊十二年穀梁傳曰國而曰
歸此邑也其曰歸何也言國乃曰歸也論語泰伯篇曰

而今而後吾知免夫言乃今而後也

襄七年左傳吾乃今而後知有卜筮

故堯典試可乃已史記五帝紀作試不可用而已禮記曲禮卒哭乃諱雜記乃作而僖二十八年左傳數之以其不用僖負羈而乘軒者三百人也史記曹世家而作乃史記淮陰侯傳相石之背貴乃不可言漢書蒯通傳乃作而

而猶則也易繫辭傳曰君子見幾而作不俟終日言見幾則作也僖十五年左傳曰何爲而可言何爲則可也襄十八年傳曰若可君而繼之言君則繼之也楚語曰若防大川焉潰而所犯必大矣言潰則所犯必大也莊

三十二年公羊傳曰君親無將將而誅焉言將則誅也

又晉語曰文公學讀書於臼季三曰曰吾不能行咫咫

耳也今本咫上有也字乃後人所加辨見咫字下聞則多矣對曰然而多聞以

待能者不猶愈也也與邪同俗本也作乎乃後人所改今從宋本然而然則也

而與則同義故二字可以互用喪服傳曰何如而可爲

之後同宗則可爲之後而亦則也下文曰何如則可謂之兄弟禮記喪服

小記曰士妾有子而爲之總無子則已墨子明鬼篇曰

非父則母非兄而姒也史記樂布傳曰與楚則漢破與

漢而楚破皆以而則互用故喪服小記有五世而遷之

宗大傳而作則樂記喜則天下和之怒則暴亂者畏之

荀子樂論篇則竝作而孟子公孫丑篇可以仕則仕可以止則止可以久則久可以速則速萬章篇則竝作而秦策物至而反致至而危史記春申君傳而竝作則燕策然而王何不使布衣之人以窮齊之說說秦史記蘇秦傳然而作然則漢書鄒陽傳然而計議不得雖諸賁不能安其位亦明矣文選亦作然則

家大人曰而猶以也楊倞注荀子彊國篇曰而往猶已上也己與以同凡書傳中言而上而下而前而後者皆放此書顧命曰眇眇予末

小子其能而亂四方言其能以治四方也某氏傳能如父祖治四方失墨子尚賢篇曰使天下之爲善者可而勸也爲暴者

可而沮也又曰上可而利天中可而利鬼下可而利人

莊子天下篇曰其風竄然惡可而言呂氏春秋去私篇

曰晉平公問於祁黃羊曰南陽無令其誰可而爲之可

爲可以爲也高注而能不屈篇曰惠子曰若王之言則

也失之辭見讀書雜誌施不可而聽矣用民篇曰處次官執利勢不可而不察

於此以上凡言可而者皆謂可以也荀子成相篇曰子

胥進諫不聽到而獨鹿棄之江言到以屬鏹之劍而棄

之江也揚注獨鹿與屬鏹同而與以同義故二字可以互用宣十

五年左傳曰敝邑易子而食析骸以爨墨子尙同篇曰

上用之天子可以治天下矣中用之諸侯可而治其國

矣下用之家君可而治其家矣史記趙世家曰聲以德

與國實而伐空韓皆以而以互用

又見以字下

故繫辭傳上

古結繩而治論衡齊世篇引而作以襄十一年左傳和
諸戎狄以正諸華晉語以作而昭元年傳櫜甲以見子
南考工記函人注引以作而魏策無河山以闡之無周
韓以閒之史記魏世家以作而

而猶與也及也論語雉也篇曰不有祝鮀之佞而有宋
朝之美難乎免於今之世矣言有祝鮀之佞與有宋朝
之美也

皇侃疏言人若不有祝鮀佞及有宋朝美則難免今之患難也及亦與也墨子尙同

篇曰聞善而不善皆以告其上言善與不善也韓子說

林篇曰以管子之聖而隰朋之智言管仲與隰朋也而與聲之轉故莊子外物篇與其譽堯而非桀大宗師篇與作而

如

廣雅曰如若也常語

昭十二年公羊傳注曰如猶柰也凡經言如何如之何者皆是

如詞助也易屯六二屯如亶如子夏傳曰如辭也

如猶然也若論語鄉黨篇恂恂如蹴蹴如勃如躩如之屬是也詩旄邱曰褻如充耳

毛傳褻然有尊盛之服

野有蔓草曰

婉如清揚義亦同也

如然語之轉故詩葛屨宛然左辟說文引作宛如左僻

如猶而也詩柏舟曰耿耿不寐如有隱憂如有而而也

正義曰如人有痛疾之車攻曰不失其馳舍矢如破如

憂失之辭

見經義述聞破而破也家大人曰舍矢而破與舍拔則獲同意皆言

箋曰如惟破物孟子滕文公篇趙注大戴記王言篇曰

日應矢而臥者如破皆誤解如字使有司月省如時考之夏小正篇曰記鴻鴈之遺也如

不記其鄉何也保傅篇曰則親疏有序如恩相及矣如

字竝與而同義禮記檀弓曰天下豈有無父之國哉吾

何行如之如而也之至也何行而至言無可至之國也

宣十七年穀梁傳曰兄弟也何去而之范注曰言無所

至是也晉語作吾誰鄉而入意亦同也隱七年左傳曰

及鄭伯盟歆如忌服虔曰如而也莊七年傳曰星隕如

雨與雨偕也劉歆曰如而也星隕而且雨故曰與雨偕

也見漢書五行志襄二十三年傳曰非鼠如何宣六年公羊傳

曰此非弑君如何唐石經及蜀本朱本並如是今本改如爲而晏子諫篇曰

螻蛄非害國家如何也楚策曰非故如何也趙策曰非

反如何也竝與而何同義又昭六年左傳曰火如象之

不火何爲逸周書後大匡篇曰勇如害上則不登於明

堂管子水地篇曰男女精氣合而水流形三月如吐荀

子儒效篇曰鄉是如不臧倍是如不亾者自古及今未

嘗有也如字亦與而同義大戴記係傳篇曰安如易樂
而湛文王官人篇曰合志如同方共其憂而任其難春
秋繁露王道通三篇曰施其時而成之法其命如循之
鹽鐵論世務篇曰見利如前乘便而起如亦而也互文
耳故左傳猷如忘說文如作而火如象之漢書五行志
如作而荀子勸學篇君子博學而日參省乎己大戴記
而作如

如猶乃也詩常武曰王奮厥武如震如怒言乃震乃怒
也箋曰而震雷其聲而勃怒其色而亦乃也正義曰如
天之震雷其聲如人之勃怒其色則誤解如字矣
大戴記少閒篇曰臣之言未盡請盡臣之言君如財之

言請俟臣之言盡君乃裁之也論語憲問篇曰桓公九

合諸侯不以兵車管仲之力也如其仁如其仁言管仲

不用民力而天下安乃其仁也

孔傳曰誰如管仲之仁加誰字

以解之於文義未安

如猶則也史記淮南王傳王曰上無太子宫車卽晏駕

廷臣必徵膠東王不如常山王

不與否同

言廷臣必徵膠東

王否則常山王也漢書作不卽常山王卽亦則也

如猶不如也隱元年公羊傳曰母欲立之已殺之如勿

與而已矣何注曰如卽不如齊人語也

如猶當也宋策曰夫宋之不足如梁也寡人知之矣高

注曰如當也如爲相當之當又爲當如是之當倍二十
二年左傳曰若愛重傷則如勿傷愛其二毛則如服野
正義曰如猶不如古人之語然猶似敢卽不敢家大人
曰孔說非也如猶當也言若愛重傷則當勿傷之愛其
二毛則當服從之也又二十一年傳曰巫尫何爲天欲
殺之則如勿生言天欲殺之則當勿生之也昭十三年
傳曰二三子若能夙亡則如違之以待所濟若求安定
則如與之以濟所欲言若能夙亡則當違之若求安定
則當與之也二十一年傳曰君若愛司馬則如亡言君
若愛司馬而不欲亡之則當自亡也定五年傳曰不能

如辭言既不能則當辭也八年傳曰然則如叛之言既
不畏晉則當叛之也杜解君若愛司馬則如亡云言若
愛司馬則當亡走失國解不能如辭云言自知不能當
辭勿行是杜訓如爲當非訓爲不如也且成二年傳曰
若知不能則如無出今既遇矣不如戰也上言如下言
不如則如非不如明矣又大戴記係傳篇曰不習爲吏
如視已事墨子貴義篇曰今天下莫爲義則子如勸我
者何故止我如字亦與當同義

如猶將也宣十二年左傳曰有喜而憂如有憂而喜乎
言憂喜各因其事若有喜而憂則亦將有憂而喜乎漢

書翟義傳義部掾夏恢等收縛宛令劉立傳送鄧獄恢

白義可因隨後行縣送鄧義曰欲令都尉自送則如勿

收邪言汝欲令都尉自送則將勿收邪師古注以如為不如誤與左傳

正義又孟子公孫丑篇寡人如就見者也如字亦與將

同義

如猶與也及也書堯典曰脩五禮五玉三帛二牲今本改牲

為生非辨見經義述聞一外贊如五器如者及也五器蓋即五等

諸侯朝聘之禮器自五玉以下皆蒙上脩字言之言五

玉三帛二牲一夙之贊及所用之五器皆因五禮而竝

脩之也傳說如五器皆誤儀禮鄉飲酒禮公如大夫入

辨見經義述聞

謂公與大夫入也鄭讀如爲若若亦與也

說見若字下賈疏謂大夫

之於公更無異禮失之辭見經義述聞

論語先進篇曰方六七十如五六

十又曰宗廟之事如會同如字並與與同義史記虞卿

傳趙王問樓緩曰子秦地如毋子孰吉

今本如上有何字乃後人所加

辯見讀書雜志

言子秦地與不予二者孰吉也新序善謀篇如

作與是其證如與聲相近故如訓爲與與亦訓爲如互

見與字下

如猶於也莊子德充符篇巾徒嘉謂子產曰先生之門

固有執政焉如此哉言先生之門固無執政於此也呂

氏春秋愛士篇曰人之困窮甚如饑寒言甚於饑寒也

史記汲黯傳曰丞相宏燕見上或時不冠至如黯見上不冠不見也言至於黯見則上必冠也

如猶乎也禮記祭義善如爾之間也呂氏春秋孝行篇作善乎而問之是善如卽善乎也莊子齊物論篇曰不亦善乎而問之也

若

考工記梓人注曰若如也常語

若猶柰也凡經言若何若之何者皆是

若詞也易豐六二有孚發若節六三不節若則嗟若王注竝曰若辭也書洪範曰曰肅時雨若曰乂時暘若曰暫時煥若曰謀時寒若曰聖時風若禮記禮器曰有所

竭情盡慎致其敬而誠若有美而文而誠若

若猶然也易乾九三曰夕惕若厲離六五曰出涕沱若
戚嗟若與九二曰用史巫紛若詩氓曰其葉沃若皇皇
者華曰六轡沃若竝與然同義又詩猗嗟曰抑若揚兮
正義曰抑然而美者其額上揚廣兮文十四年公羊傳曰力沛若有餘義
亦同也

家大人曰猶若猶然也禮記禮運曰其燭黍稷汗尊
而抔飲蕢桴而土鼓猶若可以致其敬於鬼神言物雖
質略猶然可以致敬也正義曰若如也言猶如此亦管
可以致其恭敬於鬼神失之管
子輕重甲篇曰君雖疆本趣耕發草立幣而無止民猶

若不足也墨子尙賢篇曰未知所以行之之術則事猶若未成荀子不苟篇曰雖作於心見於色出於言民猶若未從也

楊倞注若如也亦失之

呂氏春秋誣徒篇曰爲之而樂

矣奚待賢者雖不肖者猶若勸之蕩兵篇曰中主猶若不能有其民而況於暴君乎竝與猶然同義

史記禮書正義曰若如此也書大誥曰爾知寧王若勤哉言如此勤也孟子梁惠王篇曰以若所爲求若所欲言如此所爲如此所欲也荀子禮論篇曰故人苟生之爲見若者必歆苟利之爲見若者必害言如此者必歆如此者必害也

若猶此也。莊四年公羊傳曰：有明天子，則襄公得爲若行乎？謂此行也。僖二十六年傳曰：曷爲以外內同？若辭謂此辭也。定四年傳曰：君如有憂中國之心，則若時可矣。謂此時也。論語公冶長篇曰：君子哉！若人。謂此人也。管子八觀篇曰：不通於若計者，不可使用。國晏子諫篇曰：雖有至聖大賢，豈能勝若讒哉？墨子節葬篇曰：法若言行。若道。呂氏春秋振亂篇曰：爲天下之長患，致黔首之大害者，若說爲渹齊策曰：聞若言，莫不揮泣奮臂而欲戰。若字竝與此同義。

連言之，則曰若此。或曰：此若定四年公羊傳則若時可。

矣穀梁傳作則若此時可矣禮記曾子問篇孔子說宗
子去在他國庶子無爵而居者代祭之禮云子游之徒
有庶子祭者以此若義也鄭讀以此爲一句若義也爲
一句注曰若順也家大人曰以此若義也五字當作一
句讀以用也此若二字連讀若亦此也言子游之徒有
庶子祭者用此義也說詳經義述聞荀子儒效篇曰行一不義
殺一無罪而得天下不爲也此若義信乎人矣今本若
楊注曰以君義通於四海非也新序管子山國軌篇曰
維事篇作若義信乎人矣若亦此也此若言何謂也地數篇曰此若言可得聞乎輕重丁篇
曰此若言曷謂也墨子尚賢篇曰此若言之謂也節葬

篇曰以此若三聖王者觀之又曰以此若三國者觀之

史記蘇秦傳曰王何不使辯士以此若言說秦

今本若諷作苦

燕策作若此言皆竝用此若二字

若猶及也至也書召誥曰越五日甲寅位成若翼日乙
弗言及翼日乙弗也吳語越大夫種曰王若今起師以
會言及今起師以會戰也故成二年左傳病未及於晉
語作病未若於

若猶及也與也書召誥曰旅王若公周官罪隸曰凡封
國若家儀禮燕禮曰冪用給若錫禮記內則曰父母有
婢子若庶子庶孫喪十三年左傳曰請爲靈若厲

若猶或也管子白心篇曰夫或者何若然者也儀禮士昏禮記曰若衣若筵襄十一年左傳曰若子若弟又曰君若能以玉帛綏晉昭十三年傳曰若入於大都而乞師於諸侯定四年傳曰若聞蔡將先衛信乎隱四年公羊傳曰公子翬恐若其言聞乎桓

若夫轉語詞也易繫辭傳曰若夫雜物撰德辨是與非則非其中爻不備是也

若夫發語詞也大戴記衛將軍文子篇文子曰若夫知賢人莫不難孝經曾子曰若夫慈愛恭敬安親揚名則聞命矣是也

若乃亦轉語詞也齊策曰若乃得去不肖者而爲賢者
狗豈特攫其腓而噬之耳哉是也

若而者不定之詞也襄十二左傳曰天子求后於諸
侯諸侯對曰夫婦所生若而人妾婦之子若而人無女
而有姊妹及姑姊妹則曰先守某公之遺女若而人昭
三年傳曰則猶有先君之適及遺姑姊妹若而人
若干者亦不定之詞也禮記曲禮曰始服衣若干尺矣
投壺曰某賢於某若干純

家大人曰若猶其也書召誥曰我亦惟茲二國命嗣若
功若其也嗣其功者嗣二國之功也

某氏傳曰繼順其
功德者而法則之

順若爲昭元年左傳趙文子請叔孫於楚曰子若免之以勸左右可也言子其免之以勸左右也二十六年傳子猶言於齊侯曰君若待於曲棘使羣臣從魯君以卜焉言君其待於曲棘也

顧懽注老子曰若而也家大人曰書金縢篇子仁若考史記魯世家作且巧巧考古字通若而語之轉子仁若考者子仁而巧也唯巧故能多材多藝能事鬼神也某氏傳訓若爲順考爲父皆失之

詳見經義述聞

易丈九三曰君

子丈丈獨行句遇雨若濡言遇雨而濡也莊二十二年左傳曰幸若獲宥及於寬政言幸而獲宥也吳語越王

命徇於軍曰有眩瞀之疾者以告王親命之曰我有大事子有眩瞀之疾其歸若已言子其歸而止息也

小爾雅曰若乃也書秦誓曰日月遄邁若弗員來言乃

弗云來也

某氏傳訓若爲如失之

周語引書曰必有忍也若能有

濟也韋注曰若猶乃也管子海王篇曰一女必有一鍼

一刀若其事立耕者必有一耒一耜一鉏若其事立行

服連輶輦者必有一斤一鋸一椎一鑿若其事立孟子

公孫丑篇曰今言王若易然則文王不足法與若字並

與乃同義又書稱王若曰微子若曰父師若曰周公若

曰者並與乃目同義

若猶則也老子曰故貴以身爲天下若可寄天下愛以
身爲天下若可託天下莊子在宥篇若竝作則

家大人曰若詞之惟也般庚曰子若籲懷茲新邑大誥

曰若罔朕其逝君奭曰若天棐忱

大誥曰越天棐忱越字亦語助

呂刑

曰若古有訓若字皆是語詞之惟又文侯之命曰女多

脩扞我于艱若女子嘉吳語曰伯父令女來明紹享余

一人若余嘉之禮記祭統曰叔舅子女銘若纂乃考服

若字亦是語詞之惟金縢曰惟爾元孫某邁厲虐疾若

爾三王若亦惟也互文耳說者或訓爲順

某氏尙書傳

或訓

爲汝

鄭氏祭統注

或訓爲如

王肅文侯之命注

皆於文義未協

然

范望注太元務測曰然猶是也常語也

廣雅曰然磨也

磨通作應

禮記檀弓曰有子曰然然則夫子

有爲言之也論語陽貨篇曰然有是言也孟子公孫丑篇曰然夫時子惡知其不可也此三然字但爲應詞而不訓爲是

家大人曰然故是故也禮記少儀曰事君者量而后入不入而后量凡乞假於人爲人從事者亦然然故上無

怨而下遠罪也

然故是故也正義以然字絕句讀失之義見下

管子任法篇曰

聖君置儀設法而固守之然故謚杵習士聞識博學之

人不可亂也。眾彊富貴私勇者不能侵也。信近親愛者不能離也。珍怪奇物不能惑也。萬物百事非在法之中者不能動也。今天下則不然。皆有善法而不能守也。然故譴杵習士聞識博學之士能以其智亂法惑上。眾彊富貴私勇者能以其威犯法侵陵鄰國諸侯能以其權置子立相大臣能以其私附百姓翦公財以祿私士。又曰。聖君設度量置儀法如天地之堅如列星之固如日月之明如四時之信。然故令往而民從之。又曰。遵主令而行之雖有傷敗無罰。非主令而行之雖有功利罪歟。然故下之事上也如響之應聲也。臣之事主也如景之

從形也。荀子大略篇曰：從士以上皆羞利而不與民爭業，樂分施而恥積藏。然故民不困，財貧窶者有所竄其手。韓子難三曰：力盡於事，歸利於上者，必聞；聞者，必賞；污穢爲私者，必知；知者，必誅。然故忠臣盡忠於公，民士竭力於家，百官精勉於上。以上諸書皆以然故二字連讀。

禮記大傳注曰：然如是也。凡經稱然則，雖然不然，無然胡然，夫然者，皆是也。常語也。

然詞之轉也，亦常語也。

然而者，亦詞之轉也。孟子公孫丑篇曰：夫二子之勇，未

知其孰賢然而孟施舍守約也今人用然而二字皆與此同義

然而者詞之承上而轉者也猶言如是而也考工記曰材美工巧然而不良則不時不得地氣也儀禮喪服傳曰故昆弟之義無分然而有分者則辟子之私也禮記文王世子曰有父在則禮然然而眾知父子之道矣三年問曰將由夫患邪淫之人與則彼朝歿而夕忘之然而從之則是曾鳥獸之不若也僖三十三年公羊傳曰或曰往矣或曰反矣然而晉人與姜戎要之殽而擊之

何注然然上議猶豫爾住之頃也

宣六年傳曰然而宮中甲鼓而起定

八年傳曰然而甲起於琴如孟子梁惠王篇曰七十者
衣帛食肉黎民不飢不寒然而不王者未之有也以上
言然而者皆謂如是而也今人用然而二字則與此異
義矣

然狀事之詞也若論語斐然喟然儼然之屬是也常語
也

然比事之詞也若大學如見其肺肝然是也亦常語

然猶焉也禮記檀弓曰穆公召縣子而問然鄭注然之

言憂也祭義曰國人稱頌然句曰幸哉有子如此然猶

上屬爲句鄭注然猶而哀公問曰君子以此之爲尊敬
也則下屬爲句失之

然又曰寡人願有言然論語泰伯篇曰禹吾無閒然矣
先進篇曰若由也不得其死然孟子公孫丑篇曰今時
則易然也然字竝與焉同義又楚辭九章曰然容與而
狐疑允辯曰然飲饌而沈藏然字亦與焉同義然焉皆
乃也說
見焉字下焉然古同聲故祭義國人稱願然大戴記曾子大
孝篇然作焉

然猶而也詩終風曰惠然肯來言惠而肯來也

北風曰
惠而好

我定之方中曰卜云其吉終然允臧言既而允臧也

猶終

既也說見
終字下

定八年公羊傳曰卻反舍于郊皆說然息言

脫而息也

何注然猶如
如亦而也

管子版法解篇曰然則君子之

爲身無好無惡然已乎然已而已也

然後而後也乃也常語也

然止而且也昭十三年穀梁傳曰失德不葬弑君不葬
滅國不葬然且葬之孟子公孫丑篇曰識其不可然且
至莊子秋水篇曰其不可行明矣然且語而不含韓子
難言篇曰夫至智說至聖然且七十說而不受

然猶乃也晉語文公謂寺人勃鞞曰豈不如女言然是
吾惡心也

言乃是吾惡心也

吾請去之莊子天地篇曰始也我

以女爲聖人邪今然君子也荀子修身篇曰行而供翼
非漬淖也行而俯珣非擊戾也偶視而先俯非恐懼也

然夫士欲獨脩其身不以得罪於比俗之人也

言士之恭敬如

此乃欲自脩其身非恐得罪於流俗也

賈子脩政語篇曰譬其若去口之

明於庭而就火之炄於室也然可以小見而不可以大

知司馬相如封禪文曰若然辭之是泰山靡記而梁甫

罔幾也史記傳靳黈成傳贊曰黈成侯周緤操心堅正

身不見疑上欲有所之未嘗不垂涕此有傷心者然可

謂篤厚君子矣然字竝與乃同義

然猶則也墨子尙同篇曰何以知尙同一義之可而爲

政於天下也然胡不審稽古之治爲政之說乎非命篇

曰有聞之有見之謂之有莫之聞莫之見謂之亡然胡

不嘗考之百姓之情自古以及今生民以來者亦嘗見
命之物聞命之聲者乎然胡不則胡不也莊子外物篇
曰鮒魚曰吾得斗升之水然活耳然活則活也

尔 爾

說文尔詞之必然也字通作爾鄭注檀弓曰爾語助也
文選古詩注引字書曰爾詞之終也常語也

爾猶然也若論語卓爾率爾鏗爾莞爾之屬是也亦常
語

爾猶如此也雜記曰宦於大夫者之爲之服也自管仲
始也有君命焉爾也焉猶乃也

見焉
字下

爾如此也言有君

命乃如此也。孟子告子篇曰：富歲子弟多賴，凶歲子弟多暴，非天之降才爾殊也，言非天之降才如此其異也。

凡後人言不爾，乃爾果爾，聊復爾耳者，竝與此同義。爾猶此也。隱二年公羊傳曰：前此則曷爲始乎？此託始焉。爾何注？焉爾猶於是也。是亦此也。僖二十一年公會諸侯盟于薄，釋宋公傳曰：執未有言釋之者，此其言釋之何？公與爲爾也。公與爲爾奈何？公與議爾也。言公與爲此，公與議此也。

爾猶而已也。禮記檀弓曰：不以會道用美焉爾，言用美焉而已也。又曰：唯祭祀之禮，主人自盡焉爾，豈知神之

所饗亦謂主人自盡焉而已也郊特牲曰豈知神之所饗也主人自盡其敬而已矣是其證也莊四年公羊傳曰其國亡矣徙葬於齊爾僖三十一年傳曰不崇朝而徧雨乎天下者唯大山爾論語鄉黨篇曰便便言唯謹爾竝與而已同義

爾猶矣也詩噫嘻曰噫嘻成王既昭假爾箋曰噫嘻乎能成周王之功其德已著至矣是爾與矣同義又僖二年公羊傳曰君若用臣之謀則今日取郭而明日取虞爾宣十五年傳曰莊王圍宋軍有七日之糧爾盡此不勝將去而歸爾數爾字亦與矣同義

爾猶勇也隱元年公羊傳曰然則何言爾二年傳曰何
譏爾三年傳曰何危爾信五年穀梁傳曰何重勇信二年傳
曰則中國曷爲獨言齊宋至爾爾字竝與焉同義又禮
記檀弓曰夫子何善爾也孟子滕文公篇曰彼有取爾
也離婁篇曰所惡勿施爾也爾字亦與焉同義

耳

耳猶而已也論語陽貨篇前言戲之耳是也管子臣乘
馬篇曰故春事二十五日之內耳也耳也者而已也
晏子雜篇曰晏子會脫粟之食炙三弋五苴苔菜耳矣
孟子離婁篇曰人之易其言也無責耳矣呂氏春秋壹

行篇曰與麋鹿虎狼無以異多勇者則爲制耳矣耳矣

者而已矣也

此與後耳矣異義

齊策曰若乃得去不肖者而爲

賢者狗豈特攫其腓而噬之耳哉耳哉者而已哉也

家大人曰耳猶矣也大戴記曾子立事篇曰嗜酤酒好

謳歌巷遊而鄉居者乎吾無望焉耳言吾無望焉矣也

禮記樂記曰則樂之道歸焉耳歸終也

見呂氏春秋報更求人二篇法

言萬物各得其所則樂之道終焉矣

正義謂歸功於樂失之

論語

雍也篇曰女得人焉耳乎言汝得人焉矣乎

耳矣猶已矣也已與矣皆詞之終而連言之則曰已矣

論語始可與言詩已矣是也耳與矣亦皆詞之終而連

言之則曰耳矣禮記檀弓曰勿之有悔焉耳矣祭統曰夫銘者壹稱而上下皆得焉耳矣是也耳與已聲相近或言已矣或言耳矣其義一也

仍

爾雅曰仍乃也史記淮南衡山傳贊曰淮南衡山專挾邪僻之計謀爲畔逆仍父子再亡國各不終其身仍者乃也言淮南衡山謀爲畔逆乃至父子再亡其國各不終其身也漢書贊與史記同師古曰仍頻也頻父子再亡國斯爲不詞矣又匈奴傳漢復遣大將軍衛青將六將軍十餘萬騎仍再出定襄數百里擊匈奴仍亦乃也

故史記作乃再出定襄師古曰仍類也類再出定襄愈
爲不詞矣說文仍從乃聲故乃字或通作仍說見經義
述聞爾雅

聊 慘

詩泉水曰聊與之謀毛傳聊願也箋曰聊且略之辭聲
類作慘義與箋同 見文選笙賦注

來

來詞之是也詩谷風曰不念舊者伊予來暨伊惟也來
猶是也暨讀爲愾愾怒也此承上有沈有潰言之毛傳
潰也潰言君子不念舊日之情而惟我是怒也毛傳暨
潰也潰言君子不念舊日之情而惟我是怒也

日君子忌舊不念往昔年雅我始來桑柔曰既之陰女之時安息我皆失之辨見經義述聞

反子來赫言我以善言陰覆汝而汝反於我是赫怒也

伊子來暨反子來赫句法正相近矣又四牡曰將母來

諗言我惟眷母是念也采芑曰荊蠻來威今本荊蠻作蠻荊段氏

若膺詩經小學已正之江漢曰淮夷來求淮夷來鋪皆謂荊蠻是

威淮夷是求淮夷是病也江漢又曰王國來極亦謂王

國是正也漢書兒寬傳天子建中和之極師古曰極正也引周禮以為民極逸周書武順篇曰正及

神人六月曰王子出征以匡王國是也解者皆以來為

往來之來遂詰鞠為病矣

來句中語助也莊子大宗師篇子桑戶歾孟子反子琴

張相和而歌曰嗟來桑戶乎嗟來桑戶乎嗟來猶嗟乎也

來句末語助也孟子離婁篇曰盍歸乎來莊子人間世篇曰嘗以語我來又曰子其有以語我來來字皆語助

經傳釋詞第七

經傳釋詞第八

高郵王引之

雖 唯 惟

玉篇曰雖詞兩設也常語也字或作唯春秋桓十四年
秋八月壬申御廩災乙亥嘗穀梁傳曰御廩之災不志
此其志何也以爲唯未易災之餘而嘗可也志不敬也
何用見其未易災之餘而嘗也曰甸粟而內之三宮三
宮米而藏之御廩夫嘗必有兼旬之事今本句譌作
句辯見經義
述壬申御廩災乙亥嘗以爲未易災之餘而嘗也家大
人曰傳言以爲未易災之餘而嘗者火焚之餘米不可

以奉宗廟必易之而後可易之則旬粟而納之三宮三
宮米而藏之御廩其事非兼旬不能具今壬申災而乙
亥嘗相距不過三日則是未易災之餘而嘗也故上文
曰以爲唯未易災之餘而嘗可也志不敬也唯卽雖字
也言魯人不易其災之餘而嘗者其意若曰雖未易災
之餘而嘗可也則不敬莫大乎是故書之曰壬申御廩
災乙亥嘗所以志不敬也徐邈讀可也絕句志不敬也
自爲句正與傳意相合范注乃用鄭嗣之說讀可也志
爲句而釋之曰唯以未易災之餘而嘗然後可志也如
其說則上下文皆不可通總由不知唯爲雖之俗字故

字義失而句讀亦舛矣。禮記少儀雖有君賜雜記雖三年之喪可也。鄭注竝曰雖或爲唯。表記唯天子受命於天。注曰唯當爲雖。荀子性惡篇曰今以仁義法正爲固無可知可能之理邪。然則唯禹不知仁義法正不能仁義法正也。楊倞注唯讀爲雖。秦策曰弊邑之王所甚說者無大大王。唯儀之所甚願爲臣者亦無大大王。弊邑之王所甚憎者無先齊王。唯儀之所甚憎者亦無先齊王。史記張儀傳唯皆作雖。史記汲黯傳宏湯淡心疾黯唯天子亦不說也。漢書唯作雖。漢書楊雄傳解詡唯其人之臆知哉亦會其時之可爲也。文選唯作雖又大戴

禮虞戴德篇曰君以聞之

以與同

唯某無以更也墨子尚

同篇曰唯欲毋與我同將不可得也荀子大略篇曰天下之人唯各持意哉然而有所其子也趙策曰君唯釋虛偽疾文信猶且知之也史記范雎傳曰須賈問曰孺子豈有客習於相君者哉范雎曰主人翁習知之唯雎亦得謁司馬相如傳曰相如使時蜀長老多言通西南夷不爲用唯大臣亦以爲然此皆古書俗唯爲雎之證也字又作惟史記淮陰侯傳曰信問王曰大王自料勇悍仁彊孰與項王漢王默然良久曰不如也信再拜賀曰惟信亦爲大王不如也漢書惟作唯字竝與雎同

顏師

古斷唯字爲句而以爲應淮南精神篇曰不識天下之辭非是詳見讀書雜誌
以我備其物與且惟無我而物無不備者乎惟亦與雖同說文雖字以唯爲聲故雖可通作唯唯亦可通作雖互見惟字下

肆

肆遂也書堯典曰肆類于上帝又曰肆覲東后史記五帝紀肆竝作遂遂肆聲相近方俗語有侈弇耳

爾雅曰肆故也書大誥曰肆朕誕以爾東征漢書翟義傳王莽做大誥作故予大以爾東征無逸曰肆中宗之享國七十有五年史記魯世家肆作故詩縣曰肆不殄

厭愠思齊曰肆戎疾不殄肆成人有德抑曰肆皇天弗

尚肆字皆當訓爲故傳箋並云肆故今也失之說見經義述聞爾雅

自

自詞之用也書康誥曰凡民自得罪某氏傳訓自爲用
召誥曰自服于土中鄭注亦曰自用也

自猶苟也成十六年左傳曰自非聖人外寧必有內憂
言苟非聖人也

茲 滋

爾雅曰茲此也常語

茲猶斯也書酒誥曰朝夕曰祀茲酒言朝夕戒之日惟

祭祀斯用酒也。故下文曰：飲惟祀。昭七年左傳曰：三命茲益共。二十六年傳曰：若可師有濟也。君而繼之茲無敵矣。茲字亦與斯同義。

茲者承上起下之詞。昭元年左傳曰：勿使有所壅閉湫底以露其體。茲心不夷而昏亂，百度二十六。年傳曰：單旗劉狄帥羣不弔之人以行亂于王室。晉爲不道，是攝是贊，思肆其罔極。茲不穀震盪播越，竄在荊蠻。此兩茲字皆承上起下之詞。猶今人言致令如此也。杜注訓茲爲此，皆失之。茲字或作滋。昭五年傳曰：君若驩焉好逆，使臣滋敝邑休息而忘其外，亡無日矣。滋亦承上起下。

之詞

斯

爾雅曰斯此也常語

斯猶則也亦常語

斯猶乃也書洪範曰女則錫之福時人斯其惟皇之極
金縢曰周公居東二年則罪人斯得詩小旻曰謀猶回
適何日斯沮賓之初筵曰大侯既抗弓矢斯張角弓曰
受爵不讓至于己斯亡禮記檀弓曰人喜則斯陶陶斯
咏咏斯猶猶斯舞斯字並與乃同義詩斯干曰乃安斯
寢乃寢乃興斯亦乃也互文耳

斯猶其也。詩采芑曰：朱芾斯皇，斯千曰：如旼斯翼，如矢
斯棘，如鳥斯革，如翬斯飛。甫田曰：乃求千斯倉，乃求萬
斯箱。白華曰：有扁斯石，思齊曰：則百斯男。皇矣曰：王赫
斯怒。烈祖曰：有秩斯祜。斯字竝與其同義。

斯猶維也。采薇曰：彼爾維何，維常之華。彼路斯何，君子
之車。斯亦維也。猶韓奕曰：其觶維何，魚鼈鮮魚，其觶維
何，維筍及蒲也。

斯猶是也。詩七月曰：朋酒斯饗。公劉曰：于京斯依。又曰：
于幽斯館。

斯猶然也。禮記玉藻曰：二爵而言言斯，言言然也。上言

涵如此言言斯斯與如皆形容之詞鄭注斯猶
耳也耳疑當作爾言言爾猶云縱縱爾折折爾也論語
鄉黨篇曰色斯舉矣翔而後集何注引馬融曰見顏色
不善則去之皇侃疏以爲孔子在處觀人顏色而舉動
也憲問篇其次辟色何引孔傳曰色斯舉也正與此注
相應然下句翔而後集自指鳥言之若謂孔子辟色則
與下句意不相屬矣若謂鳥見人之顏色不善而飛去
則人之顏色不善又豈鳥所能喻乎今案色斯者狀鳥
舉之疾也與翔而後集意正相反色斯猶色然驚飛貌
也呂氏春秋審應篇曰蓋聞君子猶鳥也駭則舉哀六
年公羊傳曰諸大夫見之皆色然而駭何注曰色然驚

駭貌義與此相近也漢人多以色斯二字連讀論衡定賢篇曰

大賢之涉世也翔而有集色斯而舉議郎元賓碑曰翻暑色斯竹邑侯相張壽碑曰君常懷色斯遂用高遜堂

邑令費鳳碑曰色斯輕翔翻然高舉費鳳別碑曰功成事就色斯高舉

斯語已詞也若恩斯勤斯嚮子之閔斯是也常語也

斯語助也詩螽斯曰螽斯羽毛傳以螽斯為斯螽非辨見廣雅疏證小弁

曰鹿斯之奔瓠葉曰有兔斯首鄭箋以斯首為白首非斯字皆語

助

些

廣雅曰些詞也曹憲音先計反楚辭招魂用此字爾雅

釋文曰些息計反又息賀反語餘聲也說文新附字曰

些語詞也。見楚辭。从此从二。其義未詳。家大人曰。些卽
咎字之譌也。草書咎字作𠂔。隸書因變而爲些矣。說文
咎苛也。從口此聲。爾雅咎此也。釋文曰。咎子爾反。或子
移反。郭音些。玉篇些。息計切。此也。辭也。又息箇切。廣韻
去聲十二霽些。蘇計切。此也。辭也。何也。楚音蘇箇切。集
韻十二霽些。思計切。語辭。或作咎。三十八箇些。四箇切。
語辭也。見楚辭。或作咎。據爾雅釋文云。咎。郭音些。是咎
字兼有些音也。玉篇廣韻竝云些。此也。卽爾雅咎字之
訓。廣韻些何也。卽說文咎字之訓。說文咎苛也。苛何皆
古呵字。見周官漢書
而集韻又云些。或作咎。故知些卽咎之譌也。咎字以此

爲聲則當以息計爲正音息箇爲變音矣几平聲之支歌上聲之祗
寄去聲之賓箇多有楚辭之皆與詩之斯字同義爾雅
一字而兩韻兼收者斯皆皆訓爲此而聲又相近故二者又皆爲語詞

思

思語己詞也詩漢廣曰南有喬木不可休思毛傳曰思

辭也他皆放此

案宣十二年左傳引詩鋪時釋思杜注思辭也是也詩箋以思爲思念之思云

陳繹而思行之則累於詞矣

思發語詞也車華曰思變季女逝兮

思詞也思變季女思齊大任思嬀周

姜句法相同箋曰思得變然美好之少女失之

文王曰思皇多士

毛傳思思齊

曰思齊大任

思詞也箋曰常思莊敬者大任也失之下思嬀同

又曰思嬀周姜

公劉曰思輯用光傳曰言民相與和睦以顯於時也則思為語詞明矣箋曰思在和其民人

失之孟子趙注同思文曰思文后稷思詞也箋曰思先祖有文德者失之周語韋注同

載見曰思皇多祐思詞也皇美也盛也思皇多士思皇多

王之多良耜曰思媚其婦有噴其饌思媚其婦有依其

見經義泮水曰思樂泮水思詞也箋曰言已思樂傳思

字皆發語詞

思句中語助也關雎曰寤寐思服傳曰服思之也訓服

當是語助箋曰服事也思已職事當誰與共之乎王注曰服膺思念之皆於義未安桑扈曰旨酒

思柔也箋曰其飲美酒思得柔順中和與其樂左傳

杜注同絲衣箋曰柔安也飲美酒者皆思自安竝失之文王有聲曰自西自東自

南自北無思不服無思不服無不聞予小子曰於乎皇服也思諸助耳王繼序思不忘繼序思不忘繼序不忘也烈文曰於乎前王不忘無思字是思爲語助也箋曰思其所行思皆句中語助不忘失之

將

論衡知實篇曰將者且也常語也

將猶其也隱元年左傳曰君將若之何莊十四年傳曰君其若之何成二年傳曰國將若之何昭十二年傳曰國其若之何其義一也將與其同義故二字可以互用成十四年傳曰是夫也將不唯衛國之敗其必始于未亾人昭八年傳曰其非唯我賀將天下實賀晉語曰行

之克也將以害之若其不克其因以罪之皆是也將與其同義故又可以連用隱三年左傳其將何辭以對是也互見其字下

將猶抑也楚辭卜居曰吾寧悃悃款款朴以忠乎將送往勞來斯無窮乎楚策曰先生老悖乎將以爲楚國祇祥乎將字竝與抑同義

將猶乃也宣六年左傳曰使疾其民以盈其貫將可殪也墨子尚賢篇曰譬若欲眾其國之善射御之士者必將富之貴之敬之舉之然后國之善射御之士將可得而眾也

此將字猶乃也與上將字異義

將字竝與乃同義

且徂

呂氏春秋音律篇注曰且將也詩雞鳴曰會且歸矣是也常語也

且猶尚也易乾文言曰天且不違是也亦常語

且猶又也春秋文五年王使榮叔歸含且賵穀梁傳曰其曰且志兼也亦常語

且猶抑也禮記曾子問曰葬引至於壙曰有食之則有變乎且不乎齊策曰王以天下爲尊秦乎且尊齊乎史記魏世家曰富貴者驕人乎且貧賤者驕人乎且字並與抑同義

且姑且也詩山有樞曰且以喜樂且以示曰是也常語也

禮記檀弓夫祖者且也且胡爲其不可以反宿也鄭注曰且未定之辭

廣雅曰且偕也隱元年公羊傳曰且如桓立則恐諸大夫之不能相幼君也何注曰且如假設之辭莊子齊物論篇曰今且有言於此

且猶若也隱三年公羊傳曰且使子而可逐則先君其逐臣矣呂氏春秋知士篇劑貌辨荅宣王曰王方爲太子之時辨謂靜郭君曰太子不仁不若革太子更立衛

姬嬰兒校師靜郭君曰不可吾弗忍爲也且靜郭君聽
辨而爲之也必無今日之患也齊策且作若去尤篇曰
邾之故法爲甲裳以帛公息忌謂邾君曰不若以組凡
甲之所以爲固者以滿竅也今竅滿矣而任力者半耳
且組則不然竅滿則盡任力矣燕策曰燕南附楚則楚
重西附秦則秦重中附韓魏則韓魏重且苟所附之國
重此必使王重矣且字竝與若同義

且猶此也今也詩載芟曰匪且有且匪今斯今振古如
茲毛傳曰且此也正義曰今謂今時則且亦今時其實
是一作者美其事而丁寧重言之耳字亦作徂詩出其
東門匪

我思且釋夾且音徂爾雅云徂書萊誓曰徂茲淮夷徐
存也徂通作且故且亦通作徂
戎竝興徂讀爲且且今也言今茲淮夷徐戎竝興也某
氏傳以徂爲徃徃徃征茲淮夷徐戎竝興斯爲不詞矣
且經言徂不言徂征也

且夫者指事之詞且與今同義或言今夫或言且夫其
實一也

且猶夫也墨子非攻篇曰今且天下之王公大人土君
子今且今夫也孟子公孫丑篇曰若是則弟子之惑滋
甚且以文王之德百年而後崩猶未洽於天下史記魏
世家翟璜問李克曰今者聞君召先生而卜相果誰爲

之李克曰魏成子爲相矣翟璜忿然作色曰臣何負於
魏成子李克曰且子之言克於子之君者豈將比周以
求大官哉春申君傳曰李園弱人也僕又善之且又何
至此且字竝與夫同義

且更端之詞也若論語且爾言過矣是也常語也

且發語詞也韓子難二曰景公過晏子曰子宮小近市
請徙子家豫章之圃晏子再拜而辭曰且嬰家貧待市
倉而朝暮趨之不可以遠呂氏春秋貴信篇曰莊公左
搏桓公右抽劍以自承管仲鮑叔進曹劇按劍當兩陛
之間曰且二君將改圖無或進者趙策曰公子牟辭應

侯應侯曰公子將行矣獨無以教之乎曰且微君之命之也臣固且有效於君

上且字發語詞與下且字異義

司馬相如封

禪文曰或曰且天爲質闇示珍符固不可辭且字皆發

語詞

且句中語助也莊子齊物論篇曰夫隨其成心而師之誰獨且無師乎又曰果且有彼是乎哉果且無彼是乎哉呂氏春秋無義篇曰公孫鞅使人謂公子印曰今秦令鞅將魏令公子當之豈且忍相與戰哉且字皆句中語助

且 子餘反

詩山有扶蘇曰不見子都乃見狂且毛傳且辭也

徂

徂猶及也詩雲漢曰不參禋祀自郊徂宮言禋祀之禮自郊而及於宗廟也箋曰從郊而至宗廟至亦及也絲衣曰自堂徂基自羊徂牛蕭鼎及蕭徂亦及也互文耳

鄭訓徂爲往非也自羊徂牛則文不成義

言此絲衣載弁之人其視壺濯簋

豆與

先羊而後牛者變文協韻耳傳以爲先小後大非也

其舉鼎冪告絜則自蕭以

及蕭也以上三徂字皆謂自此及彼不得以往之一訓

該之

作

作始也家大人曰作之言乍也乍者始也詩駟傳曰作

始也

廣雅同

書皋陶謨曰烝民乃粒萬邦作乂作與乃對

文言烝民乃粒萬邦始治也禹貢曰萊夷作牧言萊夷
水退始放牧也又曰沱潛旣道雲土夢作乂作與旣對
文言雲土夢始治也史記夏本紀皆以爲字代之於文
義稍疏矣

作猶及也書無逸曰其在高宗時舊勞于外爰暨小人
作其卽位乃或亮陰三年不言又曰其在祖甲不義惟
王舊爲小人作其卽位爰知小人之依皆謂及其卽位

也某氏傳訓作爲起失之作與徂聲相近廣韻作字又
故二者皆可訓爲及

曾音增此曾是以爲孝乎之曾俗讀如居非也

曾乃也則也說文曰曾詞之舒也高注淮南脩務篇曰
曾則也鄭注檀弓曰則之言曾詩河廣曰曾不容刀曾
不崇朝板曰曾莫惠我師召旻曰曾不知其玷禮記三
年問曰則是曾鳥獸之不若也釋文曾則能反吳語曰越曾足
以爲大虞乎閔二年公羊傳曰設以齊取魯曾不與師
徒以言而已矣論語八佾曰曾謂泰山不如林放乎皇侃
疏曾之言則也先進曰吾以子爲異之間曾由與求之
釋文曾則登反

問孔傳曰則此皆是也

曾是乃是也則是也詩正月曰曾是不意蕩曰曾是彊

禦曾是在位曾是在服正義曰言曾者謂何曾如此今人之語猶

然又曰曾是在聽論語為政曰曾是以為孝乎馬注汝

為孝乎釋文曾音增馬云則皇侃云嘗也案皇說非是今本論語馬注脫則字據釋文及邢疏補皆是

也

何曾何乃也何則也孟子公孫丑篇曰爾何曾比子於

管仲趙注曰何曾何乃也孫爽音義曾丁音得則也乃也賈子論誠篇

曰王何曾憐一跼屨乎晏子春秋外篇曰讒佞之人則

奚曾為國常患乎奚曾猶何曾

方言曰曾何也廣雅 潭之原荆之南鄙謂何爲曾若

中夏言何爲也

曾 音屬此曾經之曾

曾猶嘗也閔元年公羊傳曰莊公存之時樂曾淫于宮

中釋文曾才能反素玉篇曾子登切則也又才登切經

訓爲經者乃曾經之曾音才登切羣經音辨曾則也作

膝切曾嘗也昨膝切嘗即曾經之義以上諸書皆音義

判然不相淆雜說文曾詞之舒也此即曾是曾謂之曾

當讀如增而徐鉉音昨棲切則誤讀如看矣集韻曾但

正改

瞿 音慘 惜 瞿 慘

說文替曾也。引詩替不畏明字，或作懔懔，又作慘爾雅。懔曾也。郭注曰：發語辭。詩節南山曰：懔莫懲嗟。毛傳曰：懔曾也。民勞傳及十月之交箋並同。釋文作懔。十月之交曰：胡懔莫懲。釋文：懔亦作慘。民勞曰：懔不畏明。釋文正義及昭二十年左傳引詩，竝作慘。雲漢曰：懔不知其故。釋文亦作慘。曾替皆詞也。故其字竝從日。或言曾，或言替，語之轉耳。

哉

說文哉言之閒也。

哉，問詞也。若詩北門謂之何哉之屬是也。

禮記曾子問正義曰哉者疑而量度之辭若堯典我其試哉之屬是也

哉歎詞也或爲歎美

若大哉乾元之屬

或爲嗟歎

若帝曰嗚呼哉之屬

隨

事有義也

哉猶矣也若魴哉至哉益哉欽哉懋哉敬哉念哉之屬是也

哉句中語助也書大誥曰肆哉爾庶邦君謂肆爾庶邦君也哉字無意義

載 載

載猶則也有句中疊用之者若載脂載華是也有數句

疊用之者若載寢之牀載衣之裳載弄之璋是也詩載
馳傳曰載辭也箋曰載之言則也韋注同字亦作馭廣
雅曰馭詞也石鼓文曰馭西馭北

則卽

則者承上起下之詞廣雅曰則卽也字或通作卽書禹
貢曰而戎卽敘卽與則同敘順也敘與順同義說見經義述聞百揆時敘下

言而戎則皆順從也上言三苗丕敘此言而戎卽敘卽

與丕皆詞耳丕爲語詞說見不字下某氏傳曰羌舉之屬皆就次

敘漢書西域傳贊曰書曰而戎卽序禹既就而序之非
上威服致其貢物也皆訓卽爲就敘爲次敘失其旨矣

則與即古同聲而通用

大戴禮曾子立事篇三十四年之閒而無藝師無藝矣五十而

不以善聞則無聞矣即亦則也詩終風願言則嚏一切

經音義十五引此則作即秦策此則君何居焉史記蔡

澤傳則作即史記秦始皇紀閒令下則各以其學議之

李斯傳則作即蘇秦傳與之則無地以給之韓策則作

即春申君傳則楚更立君楚策則作即傅仲

連傳則臣見公之不能得也齊策則作即

則猶其也禮記檀弓曰人之稱斯師也者則謂之何言

其謂之何也僖二十三年左傳曰淫刑以逞誰則無罪

言誰其無罪也文十七年傳曰雖我小國則蔑以過之

矣言其蔑以過之也吳語曰君有短垣而自喻之況荆

蠻則何有於周室言其何有於周室也

昭九年左傳伯父若裂冠毀珪

拔本塞原專棄謀主雖戎狄其何有余一人

則猶而也文二年左傳曰周志有之勇則害上不登於

明堂言勇而害上也

選周書大匡篇作勇如害上如卽而字

昭三年傳曰

寡君願事君朝夕不倦將奉質幣以無失時則國家多難是以不獲言而國家多難也莊子逍遙遊篇曰其視下也亦若是則已矣則已矣而已矣也荀子榮辱篇曰夫貴爲天子富有天下是人情之所同欲也然則從人之欲則勢不能容物不能贖也史記封禪書曰然則怪迂阿諛苟合之法自此興然則皆謂然而也

則猶乃也詩新臺曰魚網之設鴻則離之言鴻乃離之也雲漢曰昊天上帝則不我遺羣公先正則不我助言

乃不我遺乃不我助也桓六年左傳曰吾牲牷肥腍粢
盛豐備何則不信言何乃不信也又書金縢曰禾則盡
起言禾乃盡起也詩草蟲曰我心則降言我心乃降也
大戴禮夏小正篇曰鷹則爲鳩言鷹乃爲鳩也

凡夏小
正言則

者皆放此月令曰豺乃祭獸戮禽呂氏春秋季秋紀乃作則

書洪範曰鯀則殛殛外禹乃嗣興則亦乃也互文耳

家大人曰則猶若也書洪範曰女則有大疑謀及乃心
謀及卿士謀及庶人謀及卜筮言汝若有大疑也禮記
三年問曰今是大鳥獸則失喪其羣匹越月踰時焉則
必反巡言若失喪其羣匹也荀子議兵篇曰大寇則至

使之持危城則必畔遇敵處戰則必北言大寇若至也

趙策曰彼則肆然而爲帝過而遂正於天下則連有赴

東海而外矣言彼若肆然而爲帝也

史記魯仲連傳彼則作彼卽卽亦若

也互見卽字下燕策曰誠得劫秦王使悉反諸侯之侵地則大

善矣則不可因而刺殺之言若不可也韓詩外傳曰臣

之里婦有夫外三日而嫁者有終身不嫁者則自爲娶

將何娶焉

漢書蘇通傳作足下卽欲求婦何取卽亦若也

言若自爲娶也史記

高祖紀曰今聞章邯降項羽項羽乃號爲霸王王關中

今則來沛公恐不得有此言今若來也項羽紀曰項王

謂曹咎等曰謹守成皋則漢欲挑戰慎勿與戰漢書項

籍傳作卽漢欲挑戰卽與則古字通而同訓爲若故史

記高祖紀作若漢挑戰也

史記袁盎傳申屠嘉曰使君所言公事之曹與長史掾議

吾且奏之卽私邪吾不受私語漢書卽作則卽則皆若也

則猶或也或與若義相近史記陳丞相世家曰樊噲帝之故人也功多且又乃呂后弟呂須之夫有親且貴帝以忿怒故欲斬之則恐後悔言或恐後悔也

何則何也也墨子尚賢篇曰故離咎者三代暴王桀紂幽厲之所以失損其國家傾覆其社稷者已此故也何則皆以明小物而不明大物也荀子宥坐篇曰百仞之山任負車登焉何則陵遲故也韓子顯學篇曰雖有不

恃賞罰而恃自善之民明主弗貴也何則國法不可失而所治非一人也齊策曰觸聞古大禹之時諸侯萬國何則德厚之道得貴士之力也義竝與何也同秦策曰臣恐韓魏之卑辭慮患而實欺大國也此何也王旣無重世之德於韓魏而有累世之怨史記春申君傳此何也作何則

卽則

卽猶遂也書而伯戡黎曰殷之卽喪是也常語也

卽猶今人言卽今也史記項羽紀項羽卽曰因畱沛公與飲是也字亦作則漢書王莽傳曰應聲滌地則時成

創顏注曰則時卽時也

卽猶今人言卽是也襄八左傳曰非其父兄卽其子弟是也字亦作則鄭語曰是非王之支子母弟甥舅也則皆荊蠻戎狄之人也非親則頑不可入也

家大人曰漢書西南夷傳注曰卽猶若也昭十二左傳南敵枚筮之遇坤之比示子服惠伯曰卽欲有事何如言若欲有事也莊三十二年公羊傳莊公病將死謂季子曰寡人卽不起此病吾將勇致乎魯國言若不起此病也僖三十三年傳百里子與蹇叔子送其子而戒之曰爾卽死必於穀之嶽巖言爾若死也襄二十七年

傳甯殖將歿謂其子喜曰我卽歿女能固納公平言我

若歿也

賈子胎教篇史鮪病且歿謂其子曰我卽歿治

康子曰我卽歿

必相魯爾雅釋地曰西方有比肩獸焉與邛邛距

虛比爲邛邛距虛齧甘草卽有難邛邛距虛負而走言

若有難也秦策曰今王以漢中與楚卽天下有變王何

以市楚也言若天下有變也趙策曰所貴於天下之士

者爲人排患釋難解紛亂而無所取也卽有所取者是

商賈之人也言若有所取也魏策曰今王恃楚之強而

信春申君之言以是質秦而久不可知卽春申君有變

王獨受秦患也言若春申君有變也史記秦本紀曰

晉公子圉聞晉君病曰卽君百歲後秦必畱我言若君
百歲後也晉世家曰夷吾使卻芮厚賂秦約曰卽得入
請以晉河西之地與秦言若得入也鄭世家曰齊襄公
會諸侯於首止鄭子亹曰齊彊而厲公居櫟卽不往且
率諸侯伐我內厲公言若不往也又僖二十三年左傳
公子若反晉國則何以報不穀史記晉世家作子卽反
國何以報寡人昭七年傳我若獲沒必屬說與何忌於
夫子孔子世家作吾卽沒若必師之管子戒篇管仲寢
疾桓公往問之曰仲父之疾甚矣若不幸而不起此疾
彼政我將安移之韓子十過篇作卽不幸而不起此病

是卽與若同義史記趙世家曰朔之婦有遺腹若幸而男吾奉之卽女也吾徐外耳卽亦若也互文耳

卽猶或也或與若義相近越語曰若以越國之罪爲不可赦也將焚宗廟係妻孥沈金玉於江有帶甲五千人將以致外無乃卽傷君王之所愛乎言或傷君王之所愛也史記呂后紀曰劉澤爲大將軍太后王諸呂恐卽崩後劉將軍爲害言或崩後爲害也張丞相傳曰戚姬子如意爲趙王年十歲高祖憂卽萬歲之後不全也言或萬歲之後不全也卽與則古同聲故卽訓爲若亦訓爲或則訓爲或亦訓爲若互見則字下

嗟音

茲子

說文嗟音也

舊與

廣韻嗟音憂聲也倒言之則曰嗟音

或作嗟茲或作嗟音子詩綢繆曰子兮子兮如此良人何

毛傳曰子兮者嗟茲也管子小稱篇曰嗟茲乎聖人之

言長乎哉秦策曰嗟音嗟乎司空馬楚策曰嗟乎子乎楚

國亡之日至矣書大傳曰諸侯在廟中者愀然若復見

文武之身然後曰嗟音子乎此蓋吾先君文武之風也夫

說苑貴德篇曰嗟音嗟乎我窮必矣楊雄青州牧箴曰嗟

茲天王附命下土竝字異而義同詩言子兮猶曰嗟音子

乎嗟音嗟乎也故傳以子兮爲嗟音茲

正義曰茲此也嗟歎此身不得見良人非

傳意箋謂子兮子兮斥娶者始失其義其注書大傳又也
日子成王也案嗟子乎乃諸侯之詞諸侯之於天子豈
得稱之爲子乎斯不然矣

嗟 嗟 嗟

說文嗟也一日痛惜爾雅曰嗟嗟也郭注曰今河北
人云嗟嗟嗟嗟並同又詩烈祖箋曰重言嗟嗟美歎
之歎

詩麟之趾傳曰于嗟歎辭

叱嗟猝嗟皆怒聲也趙策曰齊威王勃然怒曰叱嗟而
母婢也漢書韓信傳曰項王意易猝嗟人皆廢李奇

曰猝嗟猶咄嗟也

案史記作喑嗟叱咤李說是也顏師古曰猝嗟暴猝嗟歎也則聖文生義

而失其本旨矣

嗟語助也詩中谷有蕓曰隰其泣矣何嗟及矣何嗟及

何及也言雖泣而無及於事也嗟句中語助耳箋曰及

與也嗟乎將復何與為室家乎先言嗟而後言何及未

免倒置經文

或疑經文嗟字本在何字上而寫者倒之非也韓詩外傳兩引詩皆作何嗟及矣

孔坦與石聰書亦曰嗟復後悔何嗟及矣嗟字皆在何字下鄭訓嗟為嗟乎故不得不先言嗟而後言何及

今本誤

又訓及為與皆失之節南山曰天方薦瘝亂

宏多民言無嘉慥莫懲嗟慥莫懲嗟慥莫懲也

十月之交曰

慥莫

言天降喪亂如此而在位者曾莫知所懲也嗟付

末語助耳若訓爲歎詞則與上三字義不相屬矣箋曰
嗟乎奈何亦失之

訾音紫 訾

說文訾苛也

苛與同

呂氏春秋權勳篇晉荆襲王與晉厲

公戰於鄢陵臨戰司馬子反渴而求飲豎陽穀操黍酒

而進之子反叱曰訾

句韓子十過篇訾作噉

退句酒也訾與訾同

經傳釋詞第八